



Пулнинг Янги Ранги: Ҳавфсизроқ. Зуккорроқ. Ишончлироқ.

2003 йилнинг охирида 20 долларлик пулдан бошлаб, Америка Қўшма Штатлари ҳукумати янги ва муҳофаза белгилари кучайтирилган пул банкнотларини чиқара бошлайди. Янги 50 ва 100 долларлик банкнотлар 2004 ва 2005 йилларда киритилади. Янги 20 долларлик банкнотда, илк бор 1990 йили қўлланилган ва текшириш учун осонлик яратадиган учта энг муҳим муҳофаза белгилари сақлаб қолинади: сув белгиси, муҳофаза ипи ва ранги ўзгарувчан бўёқ.



Муҳофаза ипи

Пулни ёруғликка тутганда вертикал холда пулга киритилган Муҳофаза ипи ёки полимер чизиқни кўрасиз. Агар яқиндан қарасангиз банкнотнинг икки томонидан мазкур ипга битилган "USA TWENTY" деган сўзларни ва кичик байроқни кўришингиз мумкин. Ультрабинавша нурга тутганда, муҳофаза ипи яшил ранг тусига кириб ялтирайди.




Ранги ўзгарувчан бўёқ

Банкнот олд томонининг куйи ўнг бурчагидаги "20" белгили рақамга аҳамият беринг. Банкнотга тикка ва қия қарасангиз, ранги ўзгарувчан бўёқ мис рангидан яшил рангга ўзгаради.

Сув белгиси

Банкнотни ёруғликка қаратганда Президент Эндрю Жэксоннинг суратига югиртирилган сув белгиси кўриниб туради. Сув белгиси қоғознинг ажралмас қисми бўлиб банкнотнинг иккала томонидан ҳам кўринади.

ҚўШИМЧА ДИЗАЙН ШАКЛЛАРИ ВА МУҲОФАЗА БЕЛГИЛАРИ




Ранг
Янги банкнотда кўзга ташланадиган энг катта фарқ банкнотнинг иккала тарафига яшил ва шафтоли ранглари киритилишидир. Шунингдек банкнотдаги суратдан ўнг томонда кўк рангга битилган "TWENTY USA" деган сўзлар ва банкнотнинг орқа тарафига сариқ рангли кичик 20 рақамлари чоп этилган.



Озодлик белгилари
Банкнотнинг олди тарафида иккита янги «озодлик белгилари» бўлиши Америка бургутлари чизилган. Президент Эндрю Жэксон суратининг чап томонида жойлашган катта кўк рангли бургут, унинг президентлик даврида қўлланилган услубда намоён этилган. Суратнинг куйи ўнг томонидаги кичикроқ металллик яшил рангдаги бургут сиймоси замонавийроқ чуқур чоп этиш услубида туширилган.



Сурат ва шакллар
Банкнот олди тарафида Эндрю Жэксон сурати ва банкнот орқа тарафидаги Оқ Уй тасвири атрофидаги овал доира ва ингичка чизиқлар олиб ташланган. Сурат юқорида сурилган ва суратдаги елкалар доира чегараси томон кенгайтирилган. Қўшимча ўймакор нақш деталлари тасвир фонида туширилган.



Микронашр
Ута кичик бўлгани туфайли микронашр этилган сўзларни қалбакилаштириш қийин. Янги банкнотдаги микронашр банкнотнинг олди томонидаги иккита жойига туширилган: Президент суратининг ўнг тарафида жойлашган кўк рангли тасма шаклида битилган "TWENTY USA" ёзувининг биринчи учта харфи ичида "USA20" ёзув бор; шунингдек "THE UNITED STATES OF AMERICA 20 USA 20" сўзлар Фазначининг имзосидан қуйроқда қора ранг билан ёзилган.



Кўзи ожизлар учун пулнинг қийматини кўрсатувчи рақамни катта қилиш
Банкнотнинг орқа томонининг куйи ўнг бурчагидаги катталаштирилган "20" рақамини бемалол кўрса бўлади.



Қоғоз
Валюта қоғозининг тўртдан бир қисми зигирпой ва тўртдан уч қисми эса пахтадан иборат бўлиб таркибида қизил ва кўк толлалар мавжуд.



Федерал Резерв Кўрсаткичлари
Суратнинг чап тарафидаги универсал муҳр бутун Федерал Резерв Тизимини намоён этади. Чап тарафдаги серия рақамидан пастда жойлашган харф ва рақам Федерал Резерв Банкини аниқлайди.



Серия рақамлари
11 рақам ва харфларнинг қайтарилмас бирикмаси банкнотнинг олд томонида икки мартаба акс этирилган.